

Perangi pandangan hambar mengenai rasuah

Kuala Lumpur: Datuk Seri Anwar Ibrahim menggesa semua lapisan masyarakat memerangi pandangan hambar mengenai rasuah dan tatakelola lemah di negara ini.

Menyifatkan amalan sedemikian sebagai haprak, Perdana Menteri menegaskan, terdapat keperluan mendesak untuk membanteras rasuah dan tatakelola lemah bagi membolehkan semua pihak menikmati setiap peruntukan ditetapkan kerajaan.

Malah, katanya, amalan rasuah dan tatakelola lemah turut mengakibatkan berbilion dana awam tidak disalurkan kepada rakyat, sebaliknya 'dipungghah' oleh tokoh tertentu.

"Sebab rasuah dan tatakelola lemahlah peruntukan tidak begitu besar dapat diberikan kepada Kementerian Pendidikan.

"Sebab rasuah dan tatakelola lemahlah, 8,000 tandas sekolah perlu diperbaiki kini dan sebab rasuah dan tatakelola lemahlah puluhan bilion duit rakyat di-

pungghah oleh tokoh tertentu,"

"Stigma 'buat apa jadi Perdana Menteri kalau tidak kaya', 'bodoh jadi Menteri Kewangan jika tidak kumpul berbilion-bilion (ringgit)'. Ini adalah pandangan hambar dan haprak yang mesti diperangi.

"Kita bertanggungjawab (memerangi rasuah serta tatakelola lemah) dan ini bukan hanya (terhad bagi) orang politik, tetapi seluruh sistem.

"Berapa sarjana yang berbicara dengan berani yang mengi-

zinkan keterlanjuran sebegini? Kita semua harus pikul tanggungjawab ini, termasuk saya," katanya ketika merasmikan Wacana Pemikir Global 2024 bertemakan 'The Next 100 years: Vision 2100 for Malaysia' di Universiti Malaya (UM) dekat sini, semalam.

Anwar meminta rakyat terus menyokong usaha kerajaan untuk memperbaiki tatakelola dan pencegahan rasuah dalam sistem pentadbiran di negara ini.

Sementara itu, beliau yang

juga Menteri Kewangan berkata, keutamaan bagi perbelanjaan dana awam yang digariskan Kerajaan MADANI adalah bagi kemudahan asas, kerja pembersihan, sekolah, gerai dan warung yang akan dimdnfaatkan oleh majoriti rakyat.

"Peruntukkan perlu digunakan untuk pembangunan manusiawi, bukannya membina mercu tanda dan gedung besar. Ia (membina gedung besar dan mercu tanda) adalah tugas pihak swasta," katanya.